

Kuwung kang Endah Sawise Udan



Ibu

Raka

Ing sawijining kutha cilik kang endah, ana bocah lanang
kang jenenge Raka. Raka umure patang taun. Dheweke seneng
banget dolanan ing plataran lan uga dolanan banyu.
Nalika udan, Raka semangat banget. Dheweke udan-udanan,
dolanan payung, lan kasut karete sinambi mlumpat-mlumpat
ing banyu ngecembeng.





Ibuuu.... jawahipun
deres sanget. Kula remen
sanget kaliyan jawah.

Iya, Le,
udane deres
ian kowe katon
semangat
banget.

Ibu saestu paling
mangertos, kula
badhe dolanan
wonten njawi, Bu?
Pareng
napa mboten?

Tunggu sedhelet,
yen wis sawetara udan
kowe lagi oleh dolanan.
Amarga, nalika lagi wiwit,
udan kuwi ngemot
polutan kaya ta lebu,
rereged,
lan uga kebul kang
bisa marakke
kulitmu gatel.



Ibune wis ngidini dheweke dolanan lan saiki wektune siap-siap.

Kowe
lagi apa,
Le?

Raka semangat banget.



Sinambi nengga jawahipun saya
deres, kula badhe mendhet mantel,
payung, lan ugi kasut karet.



Putrane ibu
pancen pinter,
wis bisa nyepakke
dhewe. Hehehehe.



Ibu ngancani Raka udan-udanan sinambi lenggah ing teras omah.
Raka katon mlayu rana rene lan mlumpat saben ana banyu
ngecembeng ing plataran omah, uga dalan ngarep omahe.





Ibuuuu, kula remen sanget. Wonten mriki toya, wonten mrika toya. Seger sanget raosipun.




Yen wis wiwit adhem, banjur mlebu ya, Le. Mengko tak gawekke susu anget karo gedhang goreng keju senenganmu.



Inggih, Bu. Ibu mangertos kemawon keremenan kula.



Sinambi dolanan, Raka nyedhaki ibune lan takon.



Bu, kenging menapa ibu nglilani Raka dolanan jawah? Saperangan kanca kula cariyos menawi piyambakipun mboten dikeparengaken dolanan jawah?




Ibu yo tetep ndelok kahanan,
kaya mau ing wiwitan udan,
ibu uga ora ngidini.
Nanging dhasare, dolanan udan
kuwi uga ana gunane,
kaya ta, nambah
kekuwatan awak supaya ora cepet
lara, kowe uga dadi
aktip obah, mlumpat rana rene
kuwi bisa dianggo nglatin
otot-otot ing awakmu.
Lan uga kowe mesti seneng ta?

Leresss, Bu.

(Mlayu meneh)



Sawise udan wis terang, ibu nimbali Raka supaya bali mlebu
ngomah lan adus.



Raka, ayo uwis, Le. Wayahe rampung.
Kowe aduso nganggo banyu anget direwangi
Bi Tinah. Banjur lungguh kene karo ibu
sinambi ngombe susu anget.
Ibu arep nggoreng gedhange.



Inggih, Bu. Asrep
ananging kula
remen. Kula
adus rumiyin, Bu.

Iya, Le.



Ora suwe, Raka nusul ibune lungguh ing teras omah.


Rene, Le!
Ngombe susu dhisik.
Ngati-ati rada panas.


Inggih, Bu.
Kula badhe
mendhet pisangipun
ugi. Karemenan
kula niki.

Ora suwe Raka njerit sinambi ndeleng lan ndudingi angkasa.



Ibuuu, pirsani!
Punapa menika kok
werni-werni wonten ing
langit. Endah sanget.






Ohh, kuwi kuwung
jenenge, Le.
Endah ya.
Kuwung pancen
kerep njedhul sawise udan.



Pripun kuwung
saged maujud, Bu?
Punapa kula
saged nyepeng?
Sinten ingkang
nggambar wonten
ing mega?

Iku mau kadadeyane kuwung.



Bayangno ngene, Le. Mau iku udan lan banyune okeh banget ing angkasa kaya banyu kang disemburake. Nah, sawise udan mandheg, kadang-kadang srengenge njedhul maneh, isin-isin saka sawalike mega.

Tetesan banyu kuwi bakal maujud kaya bal kaca sing cilik, dene srengenge sorote werna putih. Nalika sumorot lan sorote ngenani bal saka tetes banyu mau, dheweke banjur dibelokke lan maneka warna sorot kawujud.

Dadi kuwung iku njedhul amarga ana sorote srengenge kang katemu karo turahan banyu udan ing angkasa, banjur sorote dibelokke lan werna-wernane dadi katon. Apik yaaa??



